



# **QAUYIHAINIRMIT AYURNAQTUNIT MALIGAGHALIURNIQMUT UALINIQMI QITIRMIUNILU KANATAP UKIUQTAQ TUANIT**

Katimaqatigiighutik Aviktuqhimagumi  
Mihingnautinik Qauyihaiyut (IRIS)  
Hila Uqquhivalliayumi Nutaannguqtigtumilu  
Ihumaqhuliuqtauyut Pitquyauhimayullu

Titiraqtყiulluaqtut:  
Gary Stern taamnalu Ashley Gaden

ArcticNet  
▷Ρ▷ፌፌCፌፌ▷Gamma ፌፌP▷σ-ፌፌb▷r^c

Una titiraq ilitturinnaqtughaq taimaa:

Stern, G.A. taamnalu Gaden, A. 2016. Qauyihauniqmit ayurnaqtunit Maligaghaliurniqmut Ualiniqmi Qitirmiunilu Kanatap Ukiuqtaquanit: Katimaqatigiighutik Aviktuqhimayumi Mihingnautnik Qauyihaiyut (IRIS) Hila Uqquhivalliayumi Nutaannguqtirvalliyumilu. Ihumaqhuliuqtauyut Pitquyahimayullu. ArcticNet-kut, Quebec City-mi, Kanatami, 19 pp.

Qauyihaqtauhimayut qaritauyakkut piinnarialgit akiittumik talvani [www.arcticnet.ulaval.ca](http://www.arcticnet.ulaval.ca)

Titirauyaqhimayunik ikkuaqtihanauyaqtillu Relish New Brand Experience Ltd.-kut, Winnipeg, MB-mi

### **Qaangani piksautit**

Thierry Gosselin, Isabelle Dubois, Martin Fortier, Vincent L'Héroult, Keith Levesque, Ashley Gaden (ArcticNet-kut)

### **Havaqatigiingnut ilauyat Ualiniqmit Qitirmiunillu Kanatami IRIS-kunnut**

**IRIS-kut hivuliqtia** – Gary Stern (Ilihaqpalliviat Manitoba-mi)

**IRIS-kut parnaiyaiyi** – Ashley Gaden (Ilihaqpalliviat Manitoba-mi)

### **IRIS-kut ingilranikkut katimayiralaangit**

Jennifer Jo-Yston (Inuvialuit Aviktuqhimayumi Kuapuriissat – IRC-kut), Norm Snow (Atautikkuuqtut Titiraliqiyit – Inuvialuit Angirutitaat Aviktuqhimayuq), Miguel Chenier (Nunavut Tunngavik Inc. - NTI), Andrew Dunford (NTI)

### **Qitirmiuni katimayiralaat kivgaqtiiit**

Miguel Chenier (NTI), Kevin Taylor (Haamlatkunnit Iqaluktuuttiaqmi), Sonia Arede (Nunavunmi Imaliqiyit Katimayiit), Corey Dimitruk (Kavamatkut Nunavunmi)

### **Ikayuqtit ilittuqhaiyullu IRIS-kunnit ingilranikkut katimayiralaanut**

Bob Simpson (IRC), Shannon O'Hara (IRC), Steve Baryluk (Inuvialuit Anngutighanut Katimayiit – IGC), Jennifer Lam (IGC), Romani Makkik (NTI), Sharon Edmunds-Potvin (NTI), Natan Obed (NTI), Eric Loring (Inuit Tapiriit Kanatami - ITK), Kendra Tagoona (ITK), Pitseolalaq Moss-Davies (Inuit Ukiuqtaqtumiut Katimayiit-Kanatami)

### **Hivuani katimayiit, ikayuqtit ilittuqhaiyullu IRIS-kunnit ingilranikkut katimayiralaanut talvanilu Qitirmiuni katimayiralaat kivgaqtiiit**

Gayle Kabloona (NTI), Jeannie Ehaloak (NTI), Kiah Hachey (NTI), Jaswir Dhillon (Nunavunmi Avatiliqiyit Katimayiit), Meghan McKenna (ITK)

### **Maniktarviit ikayuqtilli**

Hapkua qauyihaqtauhimayut maningnik ikayuqtauhimayut ArcticNet-kunnit, kinguanilu ikayuqtauvaktut Kavamatuqanit Kanatami talvuuna Tuhaqtittiyit Havakvingnit Nakuuniqhanik (Networks of Centres of Excellence), katimaqatigiighutik allaqtitauhimayaat taapkua Ilitquhinik Qauyihaqtit Hananiqmullu Qauyihaiyit Katimayiit (Natural Sciences and Engineering Research Council), Kanatami Havakviit Aanniaqtailiniqmut Qauyihaiyit (Canadian Institutes of Health Research), Inuuhiliqiniqmut Qauyihaiyit Katimayiit (Social Sciences and Humanities Research Council), Hanayillu Kanatami (Industry Canada)

Quyagiyumayaqqullu tamangnik ilauyat havaanut hapkununnga ikayuutainik aittuutainiklu aulattiapkaiplutiklu tutqighaitillugit qauyihautinik.



---

# **Makpiqqanut Naunaitkutat**

**ILITTUQHITIT (1)** 5

**ILITTUQHITIT (2)** 6

**ILITTUQHITIT (3)** 9

**IHAMAQHULIUQTAUYUT PITQUYAUHIMAYULLU** 11

**INUIT AANNIAQTAILIYUT** 12

**NIQIGHAQARNIQ** 13

**INUNGNUT AMIQNARNIIT** 14

**AULAPKAINAHUAQTUT ILITQUHINIK** 15

**PIVIGHANIK NALVAAQHIUQTUT INUUHIRNUT-MANIGHIURNIQMULLU TUTQIGHAIYUT** 16

**IKLUQPALIUQVIIT** 17

**ANNGUTIGHAT AVATILLU** 18



DAVID BARBER/ARCTICNET-KUT


## Ilttuqhítit (1)

Avativut aallannguqpalliayuq qilamiuqhuni imaalu Nunaqyuami nayugaittuq aallannguqtaqtumik qilamiuqtumik talvanitut qaayuqnalrumi Ukiuqtaqtumi. Hiku auktuqpalliapluni hikunahaaliqpaghunilu Ukiuqtaqtumi taryumi, angmaqtiriplunilu ikaaqvighanik umiaqnut paqittivaliqhutik uqhuqyuanik aktuqtauyuittunik uyaraghiuqtaghaniklu. Auktuqpalliayuq qiqumayutuqat ihulilutauvaktuq apqutinut, milvingnut, ikluqpangnut uomayunullu nunainnaqmi. Iqalughiuqviminiit anguniaqviillu amirnattumiklu imiqtaghat immat ayuqnaqhivallialiqut Ukiuqtaqtumiunut naahuriinna-liramik qaplunaqaqtat niqautainik, tipaakuniklu, aughiriaqmik, igayariiqhimayuniklu niqiniq amirnaqtunik timingnut. Ilitquhiptingnut ayuqhautaupluni aallannguqpalliayumilu ikpingnaqhiliqtut inungnut ihummaklukniqmut inuuhiqat-tiarniqmullu Inungnit. Hannavighaliuqtut nutaannguqtipal-liayullu Ukiuqtaqtumi amihunik uuktugaghaniutivaktuq, kihimi aghuurnaqtut avatinut, aanniaqtailiniqmut, ilihaqtit-tiniqmullu ilitquhiinullu ukiuqtaqtumiut. Hapkua amihuit avatinut, inuuhirmut-manighiurniqmullu nunaniklu maligaliuqtinut havaqatigiighutik aallannguqtirivalliayut Ukiuqtaqtumik. ArcticNet-kut Kanatamiutauyut Tuhaatjutigiikut Havakviuyut Nakununghanik (Canadian Network of Centres of Excellence) atauttikkut manighaqpaktut ikayuqtigiiqnit taapkuminnga Pivighanik Qauyihiayit Hanayaghaniklu Qauyihiayit Katimayiit Kanatami (Natural Sciences and Engineering Research Council of Canada), Inuuhirnik Qauyihiayit Inungniklu Qauyihiayit Katimayiit Kanatami (Social Sciences and Humanities Research Council of Canada), Kanatami Havakviit Aanniaqtailiniqmk Qauyihiayit Hannavingnillu Kanatami (Canadian Institutes of Health Research and Industry Canada) ikayuqtiplutik parnaiyaiyunik ikping-narniinik aallannguqpalliayumi. Havaaghait ArcticNet-kut

katitirivaktut qauhimayatuqanik qauyihiautighaniklu ihariagiayitut aulattiariami uqquuhivalliayumi maligaghaliuqtunullu ikayuutighait ukiuqtaqtumiutat katimaqtigingit han-naviillu parnaiyatillugit mihingnarniinik avatinut, manighiurniqmut inuuhiinullu Kanatap Ukiuqtaqtuanit Qiqumayunilu aviktuqhimayut. Ihumagillaqpaktavut taapkua hivunighavut talvuuna, tuhaqtigiiqnikkut qauhimayanik, qauyihiayit taapkua Ukiuqtaqtumiullu atauttikkut munaqhiyughat, ilit-turipkaiyughat havaktighaqhiuqlutiklu ihuilutit atuqtailip-lugit nakuruttiqtaunahuaqlutiklu aallannguutinit. Taapkua ArcticNet-kut IRIS-nut (Katitiqhugit Aviktuqhimayumi Mihingnautinik Qauyihiayit) havauhiit uukturuminaqtunik havaaghqaqhiuqpaktut atatarutighat pivighanik qauyihiayut, tuhaatjutigiighutik ayuitainik ukiuqtaqtumi aanniaqtailiniq-mik, ayuittuniklu inuuhirmik hapkuatut aallannguqtirutit ilitquhitut, aulattiarahuaqnijq ilitarihimaplugit arliqplughillu Inuit ihumigiyait. Quyagivaqqut tamangnik tuhaatjutigiing-niqmut qauyihiayit, ilihaqtut, ahiillu qauyihiayit, havaqatit ikayuqtigiiiklu ikayuqpakkamik ArcticNet-kunnik aulattiaquhutik, taapua Ualiniqmi Qitirmiunilu Ukiuqtaqtumi IRIS-kut ingilranikkut katimayiralaangit titiraqtillu havaktit makpiraaliuqtaghanut hapkuninga titiqqanik.



*Ilihaiyi Louis Fortier, Qauyihiayit Aulapkaiyiqyuangat ArcticNet-kunnut*



*Taakti Martin Fortier, Aulapkaiyiqyuag ArcticNet-kunnut*



## Ilittuqhitit (2)

ArcticNet-kut Tuhaqtittiyut Havakvingnut Nakuuniqhanik Kanatamit katitirivaktut qauyihaqtinik atannguyaniklu talvunga ilitquhinut, aanniaqtailiniqmut inuuhiqattiariniqmullu qauyihaiyinik ikayuqtigingniklu Inuit katimaqtigingnit, ukiuqtaqtumi nunallaarmiunit, kavamatuqait aviktuqhimanayumilu havakvingnit namminiqaqtunillu iliharumaplugit mihingnautit hila uqquuhivalliapluni hinaani Kanatap Ukiuqtaqtuanit. ArcticNet-kut havauhghanik atuqniaqhimayut Katimaqtigiiklutik Aviktuqhimanayumi Mihingnautinik Qauyihaiyulik (IRIS) talvuuna ilitturihimaliqtait hila uqquuhivalliapluni ahiniklu ihuilutauvaktut hilamut iliturittiarnaqlugit hailyauhimalutiklu inungnut tamangnut, taapkalluanut kihimi atannguyanut pivighanik ihumaliuqtinullu maligaliqiyinit tamaat.

Taapkua hitamat tikkuqaqtauhimayut ArcticNet-kut IRIS-anganut 1) ualiniqmit qitirmiunilu Ukiuqtaqtumi (tamat-kiqhugu Inuvialuit Angirutitaqqtut Aviktuqhimania (ISR), taamnalu Tununngaata Yukon Qikiqtaaryuklu, Qitirmiullu aviktuqhimania Nunavunmi; 2) Kivalliqhia Ukiuqtaqtumi; 3) Hudson Kangihua; taamnalu 4) Kivalliqhirmi ukiuqtaqtuq (takulugu piksaut taliqpighingmi). Havauhighaliuqhimayut IRIS-mik tutqighaiyumatik makpiraaqnik taapkuninnga Aviktuqhimanayumi Mihingnautinut Qauyihautinik (RIA) talvani iliqahtutihimayut ualiniqmiut qauyihaiyit qauhimayatuqaniklu ilitturiyahimayut ArcticNet-kunnit ahiniklu havakvingnik. RIA taapkua ikayuutauyughat maligaliurniqmut ihumaliurniqmullu havauhighaliuqtunut aulattiarahuarniqmut, naammaintarniqmut aallannguqtunit, nakuruttiqtaunirmiklu mihingnautainit hila uqquuhivalliapluni.


Havauhiit tutqihainirmut ualiniqmiut qitirmiullu Kanatami Ukiuqtaqtuanit IRIS-ghanik (“IRIS 1”) aviktuqhimanayumi mihingnautinit qauyihautinik, hiviliqtiqaqhatik Gary Stern-mik (IRIS 1 hiviliqta) taamnalu Ashley Gaden (IRIS 1 par-naiyaiyi) talvani Ilihaqpaallivianit Manitoba-mi, havaqati-giighutik havaarivagaat. Katimavaktut ilihaqtitiplugillu nanminilgit ilittuqhaivaktut avatinut, aanniaqtailiniqmulu inuuhirnullu amirnaqtunik hila uqquuhivalliayumilu



ASHLEY GADEN

aulattiarahuarniqmut irininaqtunik. Katimahimayut ilihaqtitihimayullu talvani:

- Qitirmiuni aviktuqhimanayumi katimayut, Iqaluktuttiami (September 19-mi 20-milu, 2012-mi);
- Nunaqyuami Ukiuqtaqtumiut Ukiunga 2012 Katimaviat, Montreal-mi (April 22-mit -27-mut, 2012-mi);
- Katimahimayut NTI-kut havakvilluanganit, Iqalungni (March 29-mi, 2012-mi);
- Katimaqtigihimayait Havakviat Iqalliqiyit Taryuliqiyillu Kanatami, Winnipeg-mi (February 20-mi, 2012-mi);
- Inuvialuit Annguhiqiyit Katimayiit katimaqtigiyait, Whitehorse-mi (September 11-mi, 2010-mi talvanilu September 19-mi, 2011-mi);
- IRIS-kut aviktuqhimanayumi ilihaiplutik katimapkaiyut, Inuvik-mi (April 12-mit 15-mut, 2011-mi);
- Iqalliqiyit Katimaqtigii Atannguyait Katimayiralaangit katimaqtigihimayait, Winnipeg-mi (January 18-mi, 2011-mi);
- Aviktuqhimanayumi Qauyihaqtit Havaktitauhimayut Katimayiit katimaqtigihimayait, Inuvik-mi (February 5-mi, 2010-mi);



Nunauyaliuqhimayuq hitamanut ArcticNet-kut IRIS-nik qauyihaqtait Hila Uqquuhiwalliyumi

- IRIS 1 ilihaiplutik kativayut, ArcticNet-kut Ukiuq Tamaat Qauyihaiyit Katimaviat, Victoria-mi (December 11-mi, 2009-mi);
- ArcticNet-kut Ukiuq Tamaat Qauyihaiyit Katimaviinit (2010-mit-2014-mut); talvanilu
- IRIS Ingilranikkut Katimayiralaangit Qitirmiunilu Katimayiralaangit-kivgaqtiiit kativaqtigivagait katimayariaqaraangamik (2011-mit-2014-mut)

Kativaqtigivagait taapkua IRIS 1 Ingilranikkut Katimayiralaangit, kivgaqtiglit ISR-kunnit, Nunavunmit,

ITK-mit ICC-millu, taapkualu IRIS 1 Qitirmiuni Katimayiralaangit-kivgaqtiiit ikkuaqtuivaktut huli tutqighayunik RIA-nik taimaa naunaitkutait pitquyauhimayullu ihuariaghait ihumaliuqtinut nanminilingnullu ISR-nit Qitirmiunilu aviktuqhimayumi.

Quanaqquhi tamaffi hivulliit tajjalu IRIS 1-kut ingilranikkut katimayiralaangit taapkualu Qitirmiuni katimayiralaat-kivgaqtiiit, ikayuqtit ilittuqhainayullu, taapkualu tuhaqtittigjengnik qauyihaiyut, ilihaqtut, qauyihaiyit, ikayuqtigikiuntunullu ait-tutuainut hapkununnga titiqyanut ihuaquatauvangniaqtuq quahimayatuqanut hila uqquuhiwalliyumi nutaannguqtiqpal-liayulin ualiniqmi qitirmiunilu Kanatap Ukiuqtaqtuanit.



PIERRE COUPEL/ARCTICNET.KUT

## Ilittuqhilit (3)

Qangaraaluk Inuit inuuhiqattiaqpaktut nunainnarmi aulat-tianginnaqhutiklu aallannguqpalliayumi ihariagiyaitut ilitquhiit aulapkainahuahugit inuuhiqattiarahaqhutiklu. Kihimi, qaffiuliqtut ukiut qaangiqhimaliqtut hivumuupri-aqtullu aallannguqtigtut avatinit nutaannguqtigtuniku (taapkuatut angirutitaqtut inmikkut ataniqtuqtuiyumayut, ingilravallialaqtyut turaaqvikaqpalliayut) Qaplunaat nunaanit, manighiuqtunut havaaghaqaqpalliayut, niqain-naqturniqmit talvunga niuviqvingningaaqtunik niqitu-narniqmut, nalvaaqhiuqpalliayut pivighanik taapkuatut uquhuqyuat, kaassilit uyaqqallu) Ukiuqtaqtumi ayuqhauti-giliqpagait aulattiariami nutaami avatinit, inuuhirnut-manighiurniqmiklu aanniaqtailiniqmullu inuuhiriliqtainit.

Qauyihailluaqpaktut qauhimayatuqaniklu katitirivak-tut hila aallangnuqpalliapluni Ukiuqtaqtumi, kihimi ilit-turivigihimayait ihuaqtauyuittut (angivallaqtunik uuktau-tiqahutik), ayuqhautilgit tautugiami (taimaa titiraqtauhim-ayuktut qauyihaqtinut) imaaluuuit hailyauyuittut (taap-kuatut titiraqhimanunik ihariattiyut qaritauyakkooqtuni taiguaqtaghanik). Taapkua ArcticNet-kut Aviktuqhimanayumi Mihingnautinik Qauyihaiyut (RIA) ualiniqmut qitirmiunullu Kanatap Ukiuqtaqtuanit katitiqtauhimanik hailyauhimayunit qauhimayatuqanik (qauyihaqtinut/ilitquhinit, ilihaqtauyut iluani/ahianit ArcticNet-kut) taapkununnga. Inuvialuit Angirutitaqtut Aviktuqhimanianut (ISR) taapkununngal Qitirmiuni aviktuqhimanianut Nunavunmi ilitturipkaivaktut aviktuqhimanayumiut ihumagiyainik ihariagiyainiklu. Hailihivalliyumayait qauhimayatuqait RIA-kut ihuaqtuniklu, atuqtauyughanik qauhittiarnaqtuniklu naunaitkutanik ihumaliuttiarutighat aviktuqhimanayumi.

### Titiraqhimanayut hapkunani titiqlqanit

Taamna Aviktuqhimanayumi Mihingnautinut Qauyihautit (RIA) malrungnut aviktuqhimanayuq: angitqiayait titiqlqat qauhimayatuqanik naunaitkutauyuq aviktuqhimanayuq 10-nut aallatqiingga titiraqhimanayulingnik makpiraanut: (1) naunaitkutat naittut ualiniqmut qitirmiunullu Kanatap Ukiuqtaqtuan; (2) hila aallannguqtaqtumik naahuriyauyulu; (3) nunami imariktut ingilraviit; (4) imarmiutat uumayut halumailruillu; (5) inuit aanniaqtailiyut; (6) aullaqtar-niq qauyihaiyulu); (7) ikluqpalliuiqvighat; (8) niqinut ilitquhinullu qutangnaitjutit; (9) pivighanik hanavalliani; taapkualu (10) hila uqquuhivalliyumi maligaghaliurniq-mut kiutjutit Kanatap Inuinnautainut. Titiraqhimanayuni amihuni makpiraaqnit qauyihaqtit ahiillu ayuittut havaaghait atautikkuuqpalliayut avatit aallannguqpalliayumi aviktuqhimanayumilu irininaqtunut. Ahiagullu, mikighilaqhimanayunik naahuriyauyut hila aallangnurutighait tal-vanngat Kanatamiutat Nunaqyuami Uqquuhivalliyumi Havauhiinit atuqhugu Kanatamiut Aviktuqhimanayumi Uqquuhivalliyumi Havauhirkil ilittuqhilitivaktut hivun-ighami avatiliqiniqmik qanurilinganiaghaanik 2050 uki-uq atuqliqqat (takulugu Makpiraaq 2), itquqtauhimanayunik mihingnaqninit ikayuutinillu iniqtauhimanayut ihumagipluginit taapkua aviktuqhimanayumi amirnaqtut irininaqtullu.

Ilangattauq RIA-nit, takupkaqtitauyuq hamani, taamna *Ihumaqhuliuqtauyut Pitquyauhimayullu* titiraqhimanaylik naunaitkutauyuq naunaitkutanik iliqahiutihimayut angitqiyanit qauhimayatuqanik naunaitkutainit ilitturi-himaliqtainut pitquyauhimayunullu. Hamna ilainnauyuq RIA-nit iliqahiutihimayuq naunaitkutighaq ikayuutighait atannguyait, maligaghaliuqtit ahiillu ihumaliuqtit tutqighai-yut aulattiarniqmut parnaiyautinik, havauhighanik, maligaghanik aullaqtitaghaniklu aularaaqtughani, amirnaittuni inuuhiqattiaqtunilu nunallaarnik.



KEITH LEVESQUE/ARCTICNET.RU



VINCENT L'HERAULT/ARCTIONNET/KUT

## Ihumaqhuliuqtauyut Pitquyauhimayullu

Ualiniqmi Qitirmiunilu Kanatap Ukiuqtaqtuanit IRIS-kut Ingilranikkut Katimayiralaangit, kivgaqtinik ISR-nut katimayilik, Nunavunmit ahinillu Inuit Katimaqtigiiqnit, taapkualu Qitirmiuni Katimayiralaat-kivgaqtii ilau-himayut titiraqtaugami taamna *Ihumaqhuliuqhimayut Pitquyauhimayullu* taimaa pitquyauhimayut tuhaqtita-himayut ilitquhinut maligaliqiniqmullu ihuaqtut ihuaqua-tauniaqtullu inuuhiqattiarlaniqmut, avatinik munariluni, aulapkailutik nalvaachiurniqmit havaaghanik, ilitturipkail-ugit quuhimayatuqanik ayuqhautinik ualiniqmi qitirmiunilu Kanatap ukiuqtaqtuanit.

Hapkua titiqqat aviktuqhimayuq 7-nut aallatqiingnik ilit-tuqhitiqaqhutik amihuni makpiraaqnit quuhimayatuqan-ik titiraqhimayulik ualiniqmiunit qitirmiunillu Kanatap Ukiuqtuanit IRIS-nut Aviktuqhimayumi Mihingnarniinik Qauyihautinit unipkaaqpaghugit taapkua irininaqtut ISR-nut Qitirmiunilu aviktuqhimayumi Nunavunmi: (1) inuit aanniaqtailiyut, (2) niqighaqarniq, (3) inuit amirnainiit, (4) ilitquhinik aulapkainahuarniq, (5) nalvaaqhiuri-niqmik inuuhirnut-manighiurniqmullu hanavallianiq, (6) ikluqpaliuqvighat, taapkualu (7) annngutighat avatiillu.

## Inuit Aanniaqtailiyut

### Ilitturiyaulluaqtut

Talvani Inuit Aanniaqtailiniqmut Qauyihautinit (IHS) ilit-tuqhitzivaktut taimaa 70%-nguyut iniqnirit talvani ISR-nit Qitirmiunilu aviktuqhimayumi higaayuktut, imala 85%-nguyunit aimavingnit higaaqtunit puyuinnauvaktut. Higaaqnit puyuq amirnaqtuq aanniarutiningnaqtuq cancer-mik puvangnut, puvakluinnarniqmik, uummatirlungniq-mut nautkutinahuqqurniqmut, iluliqaqhuni amirnaqtunik cadmium-mik.

Ilitturihimayaillu IHS-nit naunaiqhitihimayut taimaa 30%-nguyut iniqnirit ISR-nit Qitirmiunilu aviktuqhimayumi hakugighautailliutut Vitamin D mik augighautail-liuqaptullu iron-mik ihumaaluutauvakuqlu, ingattau-vaktuq arnaqnit (29%-nguyut arnait IHS-nut ilauyut augighautailliutut).

Auyami uqquuhivaallirniaqtumik naahuriyt aviktuqhimayumi, timinut imailliurnahuqquuqtut, hiqinirmit uutiqtut/nautkutiyullu amirnaqniaqtut inuillu kukughiqqtut nunain-narmi amigaiqpallianiarahugiyauyut.

### Pitquyauhimayut

Niriqvallialugit niqainnarnik hakugighautilgit vitamin D-mik augighautilgillu, niqighailliunqirmut ihuaqtaapluni.

Nunallaarnit-aullaqtitauhimayunik ilitturipkailutik ikayuqtighanik qaritauyakkuqtunilu ikayuutighanik higaaruirahuarniqmut.

Akighilaarahuaqlugit niuvaavingnit niqittiat akit-tuqpaalliqlugit higaat, niriqvallialugit niqittianik higaaqnik niuviqtalinahuaqhugit ahiniklu nicotine-mik ilulilingnik.

Aanniaqtuliqiyinit takuyauyaami ayuqnaiyaqlugu (taap-kuatut ihiivriuqtavighanik munaqhivingnik angmaqtipal-lialutik nunallaarnit).

Ilihailugit ilittuqhitilugillu taimaa imainnarmik imiqpal-liayughat nanuutituqpaklutiklu hiqiniqmit uuttailitjutinik kukughiqtailitjutiniklu.

Iliqahiutilugit TK/IQ-lu maligaghainut, aullaqtitaghainut ikayuutighainullu aanniaqtailiniqmut ihariagiyainut inirumayainullu.

ASHLEY GADEN





## Niqighaqarniq

### Ilitturiyaulluaqtut

Haniani 70%-nguyut aimavuit ISR-nit Qitirmiunilu aviktuqhimayumi anguniayuktumik anguniaqtilgit – taimaatut nakuutqiayuvaktuq niqighaqarniqmut aviktuqhimayumi. Nunallaarni qiqumaviih ihuaqtumik ingirlutauyut nunallaarmiunut niqighanut ikayuqtigighutik niqighaqarniqmullu aviktuqhimayumi. Nunamiutat annutighat (tuktuit) iqaluillu niqituarivagait niqainnait aviktuqhimayumi, taimaalu niqainnarnik nirillayuktut iniqnirit (>40-nik ukiulgit) taapkuninngat inuhuktutqiyanit.

Kihimi taimaa, 60%-nguyunit ilauhimayunit Inuit Aanniaqtailiniqmut Qauyihaqtunut ISR-nit talvanilu Qitirmiuni aviktuqhimayumi ilittuqhithimayut taimaa niqighailliuqpaghimayut. Inngattautivaktut niqighaillurniqmut hapkua havaaghiaillurniq, ihariattiniqmit, ilihat-tiaqhimainnamik, akituniit niqighait, inighaillurniq aimavingnit, ahiquiyaqtahgalgit aimaviit, sikiitilliurniq qayailiurniqlu, akituniita ingilrutit kaassiliillu angunahuariami iqalughiuriamilu.

### Pitquyauhimayut

Niqinut ikayuqtigiktippallialugit nunallaarmiut (taapkuatut niqinik tutquumavighanik tuniqhainiqmullu havauhighanik). Parnaiyautit havaaghanut, havauhighat maligaghaliuqhimayullu niqighaqarniqmut munaqtauliqtughat Inuinnarnit qauyihaqtauyughallu hila uqquuhivalliangmat.

Ayuqnaiyaqlugit niqighaqhiuqtit ikayuutighait, talvanilluaq nunallaarnit inuilrumiittut.

Ilitturipaivallialugit ilihaqttilugillu niqittianik niqainnarnik, qanuq niqighaliuriami qanuqlu uukturiami hapkuningga (taimamatut qauhitilugit uuktuquvaklugit ikayuutinut niqighaqhiurniqmut).

Qauyihaquivallialutik taapkuninnga (1) ilagiingniit taapkua ikluqpaqarniq, niqighaqarniq hilalu uqquuhivallianiat taamnalu (2) mihingnautaita hila uqquuhivallipluni imar-mut, talvanngalluat nunainnarmiittut imiqtarviit.



## Inungnut Amiqnarniit

### Ilitturiyaulluaqtut

Hilingniata hiku taryumi haalivalliayuq ualiniqmi qitirmiunilu Kanatap Ukiuqtaqtuanit, ayuqhautigiliqpaagaat aullaqtut hikumi hikuqaqtillugu. Ahiagullu, haalivalliayumik ilitturihimayut ukiunit talvani 2001-mit 2010-mut, September-milluaq kihimi, talvani Uataanit Parry Ikirahaanit (53%), M'Clintock Ikirahaanit (50%), Kivalliqhianit Quttiktuq Kivalliqhianillu Parry Ikirahaat (38%), Beaufort Taryua (26%) taamnalu Franklin Ikirahaat (27%).

Inngattauyut, kalluinnarumi atauttikkulluuniit kalluktumi ayuqhautigiliqpagait aullaqtut nunainnaqmi taryumilu (ikluqpaliuqhimayunullu hinaani annutighallunayugainut).

Aallannguqtarami, naunaqhiplunilu hila hikulu qanurininga talvuuna Inuit nalaumahuiqtut qanurinniariaghaanut hila – iharianaqhuni anguniaqtinut. Amirnaitjutit ingirlutit ahiillu iharianaqtut nunainnaqmut aullaariami (taimaa uqhulgiaqtughat, GPS-nik, hivayaautimiklu qilangmiutakkuuqtumik).

### Pitquyauhimayut

Qauyihaqtaghainut ilavallialutik (taapkuatut itiniinik qauyihaqtaqtaunit) hikuilrumi amirnaittumik ikaariami umiakkut, hakugighaqlugit qauyihaautait annautjiyighthaitalu, atauttikkuuqtut aanniqtut ikighivaallirahuaqlugit taryumiittut kuinnginnainnahuaqlutik umayunut taryumi.

Maligaghaliuqlutik umitjanut ikaaqittailugit qauyihaqtauhimaittunut imarnut.

Hilahiutit ihuaqharahuaqlugit ingirlutaillu tuhaqtittigiktut nunallaarnut. Ihuaqtunik havauhigaqhiuqlutik tuhaqtittiyami qanuringaniariaghaa hila ukiuqtaqtumi nunallaarnit (ilitturipkailugit qanurininganik, nunallaarmiut uqauhiinik atuqlutik).

Atuqtittilutik/hailivallialugit amirnaittut ingirlutit niqighaqhiuqtinut imaalu ilihaqttillugit ayuiqhaiplugit niqighaqhiuqniqmut ikayuutaigut.

Ilittuqhainahuaqlutik hila uqquuhivallianiqlutik mihingnautinik qiniqhiayinik annaktighaniklu ilihaiplutik, ahiniklu niqighaqhiuqtinik (talvuuna niqighaqhiuqtit ikayuutai-gut); nutaannguqtiquqlugit havauhiit qiniqhiayit annaktillu tajja hivunighamilu nuna/hilalu aallannguqtigtumi.

## Aulapkainahuaqtut Ilitquhinik

### Ilitturiyaulluaqtut

Atauhiuyuq hitamauyunit aimaviit ISR-nit talvanilu Qitirmiuni aviktuqhimayumi uquahilgit Inuinnaqtut.

Amigaitqiyat iniqnirit (60%) iniqhiyuitut angayughiit ilishaqtaghainik. Ilihattiaqhimaitkaangat ilauvaktut aanniarutinut, havaaghailamut niqighaillamullu.

Inuit ikittunik ayuiqhaivighainik ilitturihimayut ilishaqtaghainik qauhimayatuqanik nunamiittaamilu ilihimayaghainik inulrammiit aallannguqpalliapluni (ilaanilu qayang-naqhivaktuq) nuna hilalu, naatjuhiillu, tuniqhaitjuhiit aanniarutiqariaghainiklu anngutighat.

### Pitquyauhimayut

Atauttikkuuqtinnahuaqlugit qauhimayatuqat, nunamiittaamilu ilihimayaghat Inuillu uquahiinik ilishaqtaghainut ilishaqvingnit nunamiipkaiplutiklu ayuqhailutik (allaqtitiyullu) ukiuraaluk (taimaa qaffiqtuqlutik aullaqaqtillutik nunamut ilishaqtitilugit niqighaqhiurniqmik ukiumi ingilratillugillu anngutighat, hila aallannguqtaqtumi, qanuqlu). Ahiagullu, ayuiqhaiquhimmaarumik ikayutauniaqtuq Inungnut hila aallannguqtumi.

Ihivriuttaqlugit ilagiingniit ilishaqtittiyut ukiuqtaqtumi nunallaarnit ahiniklu inuuhiqnut-manighiurniqmullu ilauyut (taapkuuat aanniaqtailiniq, havaaghat). Ilitturipaivallialutik iliharniqmik parnaiyautighat havaaghanut ihumagiplugit aajjikkutavyait iniqhimayariiqtut ayuiqhimaliqtait qauhimaliqtaillu.



BRENDAN GRIEVE/QITIRMIUNI ILITQUHINIKQUT KATIMAYUT

## Pivighanik Nalvaaqhiuqtut Inuuhirnut-manighiurniqmullu Tutqighaiyut

### Ilitturiyaulluaqtut

Amigaitkaluaqhatik amirnaqtut avatinut uqhuqyuaqhiur-niqmit kaassiliqhiurniqmillu nalvaaqhiurniqmillu (taap-kuatut amirnaqtut utuqqait piqaluyat, nunamut amirnautit, qiqumaytuqaq auktuqpalliyuq), pivighanik hanavalliayut, nunaqyuamiutat ingilratjutigiplugit huangatjutigiplugillu, hulilukaaqtghaitalu (taapkuatut agyaqtarniq ingilratjutillu) aulahimmaaqniarahuqiyait hivunighaptingnut ualiniqmi qitirmiunilu Kanatap Ukiuqtaqtuanit. Qauyihaivighat ihu-aqhatjutauvaktut naunaqtunut tahapkuatut amirnaqtunik, taapkualu kavamatuqait havakviit avatinik munatiarniqmut havauhighaqaquhimayut huangatjutighanik nalvaaqhiuqtinik. Hapkua munaqhitjutighat ikayuutauniaqtut pivighat munattiarahuahugit ilitquhitalu Inuit.

Ilihattiaqhimaittut ayuqhättiaqhimaittullu Ukiuqtaqtumiunut ayuqhautauvaktuq havaaghaqhiurniqmut akiliqtuittiyuktunik nalvaaqhiuqtunit.

Pulaaqtaqpallialiqtut aviktuhimayumut kihimi ayuqhau-tiqaqpaktut ikinnamik ikayuutighait havakvighallu nunallaarnit.

### Pitquyauhimayut

Inuit ilauvaktughat ihumaliuqtunik nalvaaqhiuqniqmut havaaghanut pittiarniqmullu pulaaqtarniqmut. Nanminnit taapkua ilittuqhitiyughat tamangnik hulyainik havaaqming-nit aulatillugu havavvik taimaa Inuit tuhaqvigiyumaqtait.

Parnaiyailutik ilittuqhitivaalliqlugit ilihaqtaghanik ihariagiyyitut ayuiqhaqvighaalliuqtut taimaalu Inungnik ilaupkainahuaqpallialutik havaaghanut hannavingnit.

Ikayuqtighaqhiuqlutik nunallaarnit tamangnit pulaaqtaqtitiyunullu havakviit havaqatigiiklutik havauhittiaghaliuqlutik, hiniktaqvighanut ahiniklu ikayuutinut pulaaqtaqtunut,



DAVID GASPAR/ARCTICNET-KUT

amirnaiyainahuaqlutik nunallaarmiunut ikayuttiarahu-aqhugillu atautikkut.

Qauyihaivalliaqulugit ihivriuqlugillu mihingnautit nal-vaaqhiurniqmit, agyaqtarniqmit pulaaqtarniqmillu qayang-nautaulaaqtut ukiuqtaqtumi nunallaarnut.

## Ikluqpaliuqviit

### Ilitturiyaalluaqtut

Qiqumayutuqaq nunap niklaumaninga ualiniqmi Ukiuqtaqtumi uunnakpalliyut 2°C-mik ukiut taapkua 1970 kinguanilu atuqtunit. Naahuriyauyuq taimaa uqquuhivallianiaqtuq qiqumayutuqaq auktuqlugu, inngattauniaq talvani hivuraanit aviktuqhimayup, taimaa amirnaqhiulaaqtuq nunamut ikluqpaliuqvighanullu, tuqhutjanullu kuviviit tahapkuatut tuqhutjat imaiyarviit tunmiqqallu ikaarutit.

Hinaani nuna nunguvalliayuq aulalruuyuittut talvanngat 1972-mit 2000-mut. Kihimi, nuna nunguvalliayuq naunaittuq talvani Qurluqtumi, Nunavunmi 1950-mit – 2008-mut.

Titiraqhimayutut talvani naunaitkutainit Nunaliqiyit Qauiyahaiyt Kanatamit (James tamangniklu 2014-mi), taryuq mayuqpallianiaqtuq 0.4 meters-nik Tuktoyaktumi, Nunattiami, 2060-nguqqat, imala 0.9 meters-nik mayuqpallianiaq 2100-nguqqat. Kihimi, taryuq imaiqpallianiarahugiyaat Qurluqtumi, Nunavunmi 2050-mut, taryuq mayuqpallianiaqtumi 0.3 meters-nik 2100-nguqqat. Taimaa hikuiqpallianiaqtuq Uataanit Antarctic Hikuminianit 2100-nguqqat, taryuqlu mayuqpallianiarahugiyaat 1.4 meters-nik Tuktoyaktuumi imala 0.7 meters-nik Qurluqtumi.

### Pitquyauhimayut

Ihumagiplugit mihingnautit hilamit uqquuhivalliyumi nunallaarnut parnaiyaigumik – hivulliqnit ilitturihimaliqtainit ihumaliuruttaaililugit. Taiguaqlugit makpiraal-iuqhimayait Kanatami Havauhilluanut Katimayiit, Ingilrayuliqiyit Katimayiit Kanatami, aviktuqhimayumilu kavamait ilittuqhaivaktut havauhittianik ikluqpaliuqnigmik qiqumayutuqami.

Angiyyaqtunik nunauyaliuqpaktut tamangnik qaanganit nunap/kivihimayullu ataanimiutallu (ikuutaqhutik nunaplu iluagut paqititjutikkut) ilitturitjutaulaaqtut nunanik qiqumainnarahuqquqtut taimaalu ihuaqtaulaaqqtut aulat-tiaqtughanik nunallaarnit parnaiyaiyunik ingilrajutighanullu tuhaatjutigiingnik.

Aulapkailutik ihuaqtunik havauhighanik: qakugunnguraangat ihivriuqhivaklutik ahiquuiyaivaklutiku nunallaarnit ikluqpainit amirnaiyaqlugit akituvalaanngittumiklu kinguani akituyumik akiliqhittailinahuaqlutik.

Titiraqlutik ilittuqhitiffaaqlutikluuniit aviktuqhimayumi-tamaat nunallaarnilu aulattiarniqmut parnaiyautinik nuna-laarmiut aviktuqhimayumiutallu ihariagiyainik.



NUNAVUT INUVIK



## Anngutighat Avatillu

### Ilitturiyaulluaqtut

Nayugait tamaita anngutighat nayugarivagait aallann-guqpalliayut.

- Qiqumayutuqaq auktuqtughamik tahiqlu angiklivalliayumik naahuriyut uqquuhivalliayumi Ukiuqtaqtumi. Tattit aklivalliagumik hangupkailaaqtut angiyunik kivihim-ayunik imariktunut hinaanilu nayugainut, ihulutau-laatutq nakuuninganut nayugait (huangatjutit uumayunut ukiaghami ukiumilu ikighivalliayuktut tuqungayunit huruqpalliayunit) ayuqhautauvaktut Ivitaaruqnut (Dolly Varden). Ahiaguttauq, imaiqpalliayut tahitjat nunain-narmi nayugarihuiqpalliniaqtait huratjat tingmitjallu.
- Imaq uqquuhivalliayumi ihuilutigilaaqtaat uqquuninga amigaiqpallialugit iqaluutigilluanngitait iqal-uit taapkuatut Pacific-miut iqalukpiutait, ahiillu iqal-uit, amigaiqpalliagumik ikighivaalliutaunahuqquuqtut Ukiuqtaqtumiut uugautainik, niqilluarivagait qilalukkat, nattiit imarmiutallu huratjat.
- Atungauyait, uqauyait qiyuvaliuillu amigaiqpalliayut, nauhimmaqtut taghivalliaplutiklu. Taimaa aulavang-niarahugiyaat ukiunik 50-nik atuqtughani aviktuqhim-ayumi. Hapkua aallannguqpalliagamik aallanik qupanu-anikpalliayuq upluliyuktunik talvani qiyungnit tuktu-vanikpalliaplunilu kihimi nayugaiqtittinahuqquuqtut tingmitjanut nayugarilluaqtainit.

- Hinaa nunguvalliayuq/malliraangat hinaanit nautiat nau-huiqpalliayut huratjat nayugainiklu.
- Ahiagullu mahaktaqtut ukiungutillugu ayuqhautauniat nautianik niriyuktunik (taapkuatut tuktuit, avinngait) uki-umi ayuqnaqhitilugit niqijiutut, taapkualluanut Kiilliniup tuktuutainut ikighivalliaplutik ukumi niqighaillamut.
- Taryup qaanga uqquuhivalliapluni, hiku nunguvalliapluni avugiititpalliayuq (taimaa niriyuminaqtunik taryup natiani talvunga immap hanguvianut) umayuqaqpallianiaq Beaufort Taryuanit iqalunirkpallialumi, anngutighaniklu imarmiutanik huratjaniklu. Nauyuqaqpalliahuiqtumi natiani taryup ayuqhautaulaaqtuq iqalungnut itiniqmiut-anut niqighaqhuiyuktunullu (tahapkuatut uggyngnut).
- Nanuit malikpagait niqighaita (nattiit) ungahiktumut hikumut ayuviitunut. Hiku haatqiyat nunguvalliayuqlu hiku ayuqhautaulaaqtut tuktunut, taapkuua Dolphin Union-lu tuktuutainut, imaaqviginahuqquuqtut ikaaq-tunik ikirahangmi.

Ingilraviit, taapkuua apqutitut, inuillu hulilukaaqtut (agya-qtaqtut) ikpingnaqhilaaqtut naatjuhiinut, annaktunut timi-ginginiinullu anngutighat, huratjanut imarmiutanullu inngat-tauyut (hapkuatut qilalukkat, nanuit).

Nunaqyuami angirutiqaraluaqhuni halumailrunik iki-ghivaalliutighanik, mercury-mik anittiyut amigaiqpalliayut



tattit natiiinit imariktumilu, imaalu amigaiqpaalliqtut imautainit Beaufort Taryuanit nanuutainut. Hilamit-aulapkaqtauyut pitquhiit aallannguqtaqtutut hiku hangutjuhia, auktuqtaqtuq qiqumayutuqat hulilukaqpalliayullu qauyihaqtauvaktut mihingnaqniik mercury-mit ahiniklu amirnaqtunik halumailrunik anngutighanut.

## Pitquyauhimayut

Ilttuqhitinahuaqpallialugit nunallaarmiut-aulapkaqtitainik munaqhiniqmut havaaghat, tamangnut ikayuqtigiiktunut inngattauyuq. Hapkua havaaghat parnaiyaqhimayunik nayugaqnik hivitumiiniklu nayuragivagainik qauyihaqhimayughat, tuhaqtittiyughat ihibriuqtauvaklutiklu qakugunnguraangat, nutaannguqtauvaklutik aallannguqtaqtut malighugit.

Ilaupkaqtillugit tamangnik ilauyut, Inuillu, ihumaliuqtunut hapummiyauyughanut ihuaqtukkut munaqhiyimaplutik pivighanik. Qauhimayatuqat qauhimayumannaqtut atuqtauvaktughallu qauyihaiyit ilihimayait ahiagut ihumaliurutigilugit.

Hapummihilutik nayugainik imarmiutat atuqtaunaittunik umiakkuuqtunik.

Tuniqhihimainnaqlutik qauyihaqtunik munaqhiyuniklu naunaitkutaliuqtaghat ayuqhautinut hapkuninnga

- Aanniarutit kumaruillu iqalungnit, huratjanit anngutighanilu

- Ikpingnarniit mahakpalliayumi qiqumayutuqat huratjat uplinut
- Qanurininga aput nayugaliuqtunut (avinngatut)
- Nauvallianiit annauhiillu tuktut narrat ingilrayunit, humuktumi irniuqtauyut, niqighaqarniit niqiqattiarinqlu
- Nauttianik niriyuktut nayugait angiklivalliania (tahap-kuuat ukalrit, kivgaluit) niqainnaqtuyuktullu (tahap-kuuat aghait, amaqqut)
- Nayugaita naatjuhiillu kumaruit, kinguit, iqaluit, huratjat imarmiutallu anngutighat
- Halumailruit anuqqimit, nunamit/katiqhuqtauyumit, imarmit, hikumit, aputimit anngutighanilu imariktumiunut imarmiutanullu, mikiyunut inngattauyuq (kingungnut), iqalungnut, huratjanut imarmiutanullu anngutighanut, nalvaqhiuqtaqaqpalliayumi aviktuqhimayumi
- Ikpingnarniit Husky Tahiutaini uumayunut nayugariyai-gut ikluqpaliuqvingnit inuillu hulilukaqtunit, ahinilu tahiqnit ukiuqtaqtumiut atuqpagaint
- Aulatjuhiillu amihut anngutighat (tahapkuuatut tuktuit, avinngaillu)

